



ZASTUPNICA U SKUPŠTINI KANTONA  
SARAJEVO  
STRANKA ZA BOSNU I HERCEGOVINU  
ELZA GAKOVIĆ  
elza.gakovic@ks.gov.ba

**BOSNA I HERCEGOVINA  
FEDERACIJA BOSNE I  
HERCEGOVINE  
KANTON SARAJEVO  
SKUPŠTINA KANTONA**

Predsjedavajući Skupštine Kantona Sarajevo

Na osnovu člana 106., a u vezi sa članom 213. Poslovnika Skupštine Kantona Sarajevo („Službene novine Kantona Sarajevo“, broj: 41/12 - Drugi novi prečišćeni tekst, 15/13, 47/13, 47/15 48/48/16, 9/20, 14/20, 16/22 i 17/22-Ispravka), pokrećem:

#### ZASTUPNIČKU INICIJATIVU

Pokrećem inicijativu za osnivanje ortodontskog tima u OJ DZ Vogošća, zbog velikog rasta broja djece u ovoj opštini te evidentne potrebe za ortodontskim uslugama, kao i organiziranje drugih stomatoloških specijalističkih timova.

Obrazloženje: Obzirom da su općine Vogošća i Ilijaš prirodno naslonjene jedna na drugu a da su udaljene od gradskih organizacionih jedinica koje pružaju ovu uslugu smatram da je opravdano formirati ortodontski tim u OJ Vogošća.

Ova ambulanta pružala bi usluge pacijentima općine Vogošća i Ilijaš te uveliko olakšala roditeljima i djeci kao pacijentima a smanjio bi se pritisak na gradske organizacione jedinice u koje pacijenti sada moraju ići po ove usluge.

Želim naglasiti da Vogošća prema statističkim podacima Zavoda za statistiku, ima najveći broj stanovnika do 14 godina od svih općina u Kantonu Sarajevo pa samim tim ova populacija treba imati privilegiju a ne biti stavljena u nepovoljan položaj u odnosu na drugu djecu u ostalim općinama kojih ima manji broj a na raspolaganju imaju ortodontsku ambulantu.

Iz općinskog vijeća Općine Vogošća vijećnik Bego Gljiva, već je upućivao inicijativu za formiranje ovog tima(14.06.2021) i kao odgovor na istu od generalnog direktora :da postoji opravdana potreba za ovom uslugom, do danas se nije formirao ortodontski tim.

Prema procjeni doktora stomatologije koji rade sa djecom predškolskog i školskog uzrasta u OJ Vogošća 60 do 70 % djece uzrasta 3-18 godina ima potrebu za nekom vrstom ortodontske terapije.

Osim potrebe za usluge ortodonta građani Vogošće i Ilijaša sugerišu da teško ostvaruju usluge i drugih specijalističkih stomatoloških usluga kao što su oralna hirurgija, endodoncija...jer i za te usluge moraju ići u druge organizacione jedinice udaljenije od OJ Vogošća ili OJ Ilijaš pa je zaista potrebno razmotriti kako najefikasnije iskoristiti kadar i resurse radi što lakšeg ostvarivanja usluge našim sugrađanima.